

DISPUTATIO INAUGURALIS,  
ASTROLOGIAM GENE-  
RALEM PROPONENS.

Comprobante & concordante Venerando & Amplissimo Philosophorum  
Choro in alma Aboensi CHRISTINEA,

Procancellario Amplissimo;

Plurimum Reverendo & Celeberrimo VIRO,

DN. ÆSCHILLO PETRÆO,  
S.S.Th.Doct., & inclite hujs Dioces. Episcopo meritissimo.

Magnifico Rectori,

Reverendo & Celebri VIRO,

DN. M. GEORGIO ALANO, S. S. Theol.  
Professore primario, nec non utriusq; Eccl. in civitate hac Me-  
tropolitana cum annexâ Nummensi, Pastore per vigili.

Spectatiliq; Deano,

Nobilissimo & Consultissimo VIRO,

DN. MICHAEL E GÖLLENSEALPE/ Facul.  
Philos. Seniore, Juris U. Doctore, ejusdemq; & phil. pract. prof.  
per celebri, promotore & Benefactore celebrando.

Moderatore verò

Reverendo & Praclarissimo VIRO,

DN. M. SIMONE KEXLERO NERICIENSI,  
Mathem. tam super. quam infer. professore subtilissimo.

Amicis in pñctis Pastore fidelissime.

Pro Privilegiis ac dignitatibus Philosophicis obtinendis Doctorum  
& Astronomilarum placida censura & suæzij et committit.

ERICUS J. JUSTANDER ABOENSIS.  
Ad diem 2 Martij, horis locoq; consuetis.

Aboæ, Excuja Typis Academia ibidem Anni 1653.

ac . Venerabilibus:

- |   |  |
|---|--|
| <b>DN. SIGFRIDO J.</b>  | <b>DN. HENRICO HOF-</b>  |
| Præposito & per celebris Ba-<br>ronatus in Runito pastori ce-<br>lebri. | M A N N O, Præposito &<br>Pastori in Masto & Russelau<br>datissimo.  |
| <b>DN. THOMÆ PALTHE</b>   | <b>DN. JOHANNI S.</b>  |
| N I O, Pastori in Saxnaki di-<br>gnissimo.                              | Emae<br>nestrop/ Pastori & Rectori<br>prid. in Tawasteborg/nunc in Täni-<br>psjö successori & Pastori bene merito. |
| <b>DN. LAURENTIO JAC.</b>   | <b>DN. JACOBO M. ÆTHO.</b>   |
| Liliewaam/ Naguënsium Ec-<br>clesiastæ & Symmystæ labo-<br>riosissimo.  | L E N I O, Sacellano & Colla-<br>boratori in Campis vigilans<br>tissimo.   |

Illiis Fautoribus, his amicis & Fratribus in Christo dilectis ac ho-  
norandis, non modò his nominatis, sed omnibus & singulis  
Sympatriotis, alijsq; mihi faventibus prosperum Novi Anni  
ingressum, prospereorem progressum, prosperrimum deniq;  
egressum, rerumq; omnium, præcipue in vocationis vijs ges-  
tendarum successum, à recens nato parvulo, datoq; I M M A  
N U E L E J E S U Christo devote compreco!

**L**audabilis inter Christianos mos invaluit, vetusq; consuetudo inole-  
vit, sub auspicio Novi Iani (quem D E U S toti Christicolum orbi  
faustum velit) & jam jam instantibus Nundinas Strenas & Xenia Nundi-  
nalia ab amicis expetendi & expectandi. Uter verò hic alterum anticipat,  
an Ego Vos in dando, an verò Vos Me, in accipiendo? hanc parvum interest:  
Quia victus Debitor, victorq; Creditor evadit. At si exactiori rem  
equilibrio perpendero, diù dicor utrumq; Et victus & victor. Nonne  
Vos me vobis jam pridem beneficiorū alij affectu alij effectu devinxisti?  
Nonne Ego Vos ne per somniū quidē de hoc cogitantes in hoc præoccupo, quidē  
stare huic ad Nundinas veneritis sive non, has heic Strenas nundinati fue-  
ritis. Tuam Reveri Præpos: Kimit: quoties recolo liberalitatem ac be-

pignio

poses quamplurimus benefacere; Sed & velles præcipue Bonis  
cunctis, tua sponte prodesse, & longè latèq; pomeria propagare  
benignitatis ac benevolentia tua. Et Tu Prastantissime Palth:  
mihi in adib; tuis insignem benevolentiam presertisti, fidemq;  
& spem insuper munificam addixisti. Quid de te suspicenda  
Swanestrivp dicam? qui solus post quinq; defunctos Fratres  
Presbyteros, Paternæ Sedis & Dignitatis es successori, grande-  
vag; matris spes & levamen. Tu inquam cum natu minimo  
Isaaco, nostris adhuc Missis in vigilante, hac felicitate gaudes: si  
modò hic aliqua felicitas dicenda est? In o' hec vera est felici-  
tas, quā tu multas anierias ad salutem & felicitatem aeternam e-  
coniendis lucrariis. Non dicā svaviss: Swanestrivp quod propenso  
guttire, re & spe, voluntatisq; inclinatione in me promptiss: pro-  
penderis. Nec tuā Lectissime Liliwoaan laudabilem liberalitatē  
linquo latentem. Tu namq; primus, quem ego scio, ex isto ordi-  
ne, glaciem frigisti, libriq; in folio & quarto num: VII. & ex-  
tra deauratus. & intus aureis Bibliothecam Acad. nostra ornasti  
& honorasti. Utinam & alij Clericorum, & questrisq; & Politici  
status viri, tuo exemplo excitati, Libros, quaeis ipsi non indigent,  
aut quorum dupla habent exemplaria, Musarum nostrarum gas-  
zophylacio darent & consecrarent. Taceo quæ tu Liliwoaan li-  
lia & libamina Musarum mearum aris libaveras. Et tu Etho-  
lent, cum alijs plurimis, qui licet longiori terræ tractu a me dis-  
juncti, fide tamen & affectu ita sumus conjuncti, ut Uos absen-  
tes presentes semper intuear. Avete & favete. Dabam  
è Musico meo Abogico, in vig. Epiph: Domini, Anno 1653.

Idem hic qui ibi,

E. J. Justander.

# Prodromus.

Cum mihi secundum præscriptum constitutionum,  
 ex fiorentissimo Philosophiae Viridario, fragranteis  
 aliquot flores legendi & colligendi necessitatem Vene-  
 randus Philosophorum chorus injunxerit; Elegi im-  
 præsentiarum, pro ratione instituti subtilissimam illam  
 illam & utilissimam Astrologiae partem της μαγιστρικης  
 Generalem, per certas arcolas peragrandam... Sua  
 vissimo ratus mentes perfundi odore, si ex frequentio-  
 ne causarum naturalium perlustratione, viriumq; ipsis  
 in primi creatione inditarum sagaciore venatione,  
 præcepta quadam divinandi & prognosticandi sit colli-  
 gere potis. Cur verò in hac posissimum vires peri-  
 clitarer? Magna sunt rationum momenta, quæ me  
 impulerant. Primas meritò obtinet (ut alia sacro  
 velem silentio) illustrissimi Comitis inclyt. hujus Ly-  
 cai Cancellarij, Patroni ac Domini nostri benignissi-  
 mi, gravissimum petitionis bortamentum.; Quo  
 inter cetera saluberrima sua mandata imperavit ac  
 imperavit, ut hac etiam doctrina publicè juventuti  
 proponeretur, & si fieri posset, luci daretur. Cujus  
 honorificissimo mandato non obsequi. Religio nobis  
 est. Accedit & hoc, quod bæ prædictiones Astrologicae,  
 cum

eratissima illa facultate Medicis, cui me invicem, quantum per tenuitatem facultatum meorum aliaq; studia licuit quadam tenus litasse, non infior) magno sunt adjumento & emolumento. Idcirco

Tu DEus Astripotens rege lingvas, dirige mentes  
Incepsum nostrum fac bene cedat, eat!

## Thesis I.

**P**rotinus in frontispicio hoc tenendum est, cum Scripturā tūn Naturā ipsa asseverante, posse quidem ex omnibus rebus naturalibus, non impeditis; Sed in eodem statu & ordine, quo in primo sui ordinis divinitus ornatae sunt, permanentibus, eandemq; versus metam tendentibus, futurorum quādam eventuum judicia elici. Si vero universae naturae actiones, semper eodem se modo habentes, cum eventibus, quos antea ciere longā experientiā observatae sunt, diligentē & solerti æquilibrio ponderentur, & inter se conferantur, tunc fatendum est, coelestium cum primis corporum contemplationem in ætereā mundi regione contentorum, ut potè naturā sua simplicissimorum, longè clariora & certiora de futuris eventibus parere judicia. Mox namq; horum multis parasangis perfectiores ac mirificè constantes existunt, nullisq; mutationibus, ut hæc sublī maria indicet, sunt obnoxii. positis itaq; tam nobilibus, caussis, quid magis proprium est hominis, quam ex his effectus radio dimittat? Neq; ea modò, quæ ante pedes

prædictit, semper suos habuit cultores, & magno in honore ac admiratione paucim apud veteres Arabes & Chaldaeos, nec non Græcos est habita.

2. primitus ergo sese nobis offert ipsa Nominalis Definitio, quæ nihil aliud est, quam non ini; seu vocis interpretatio, secundū quam Astrologia dicitur λόγος τῶν ἀστρῶν sermo seu ratio de astris'; Quippe quæ de cœlorum, siderumq; serie, situ, motu, magnitudine & configuratione alijsq; cœtū affectionibus agit & inquirit. Unde facile ipsa quoq; Definitio Realis resultat talis': *Astrologia est doctrina corporum cœlestium influenti- as accuratè scrutans, nec non qualitates, temperamen- ta & inclinationes sublunarium, tanquam effectus cœ- lestium causarum prævidens atq; ad commune bonum probabiliter prædicens atq; prognosticans.* Obje- Etum Astrologiæ sunt corpora cœlestia, quatenus in Elementa Elementataq; corpora agunt, & alterati- ones atq; mutationes inducunt. Hic apprime necessa- ria sunt: 1. Astronomia, quæ motuum cœlestium le- ges explicat & fundamentum est futuri judicij. 2. Co- gnitio rerum naturalium & præcipue ejus partis, quæ de qualitatibus commixtionibus causis generationum & corruptionum agit. Astrologus itaq; vir bonus & ve- rax est, quamdiu adhaeret principijs philosophiæ natu- ralis'.

3. Definitionem excipit Divisio. Et dividitur im- primis in duas partes: Theoricam nempè, seu specula- tricem & practicam seu operatricem. Theorica Geo- metria

motus, situs, magnitudines, distantias & configurationes astrorum; quas inter se habent, aliaq; phænomena ab evidenter demonstrationib; deducta perpendit. Et hæc rectè Astronomia recentioribus dicitur.. Huic succedit practica seu Operatrix, qua & prognosticatrix, judiciaria seu divinatrix vocatur, quæ physicis rationibus, sæpiusq; comprobatis experientijs astrorum vires & affectiones, quibus per Sympathiam quandam Macrocosmi cum Microcosmo, mutationes cœnt, scite explicat. Et hæc Astrologia modernis propriè audit, cuius duæ sunt partes: Generalis & Specialis. Generalis fundamenta sternit futuri iudicij. Specialis in specie ea applicare docet. Nos hæc viæ generalia tantum præcepta Astrophilois, Astripotentis auxilio, ventilanda trademos. Specialem sagacioribus similium studiorum sectatoribus sequestrantes.

4. Altra seu stellas ex luce & colore constantes flamo-  
re (quæ species quædam ignis sunt, ut Plato in Timo-  
statuit) item ex calore, quo hæc sublunaria, ut terram, as-  
 quam & aëra, suâ naturâ frigida, calefaciunt: nec non  
ex penetrante actione, quâ ulq; ad centrum ferè terræ  
pertingunt, igneas esse statuimus; Suntq; Erratica vel  
Fixæ.

5. Errantes stellæ dicuntur, quæ fixum in Sphaera  
locum non obtinent, sed modò accedunt, modò rece-  
dunt, certam in et se distantiare non levantes. Ejus-  
modi sunt juxta receptum in Scholis numerum septem  
Planetæ: Saturnus, Juppiter, Mars, Sol, Venus, Mercurius & Luna.

6. Horum vites sunt ipsorum proprietates, secun-  
dum quas agunt, etq; vel per se, vel inter se considerate-

7. Vires planetarum per se colliguntur sex modis.  
1. Juxta 4 qualitates primas, quia planetæ primariò efficiunt qualitates primas in his inferioribus & consequenter secundas quatenus s. secundæ sequuntur primas: Sic sol primò potentem habet vim calefaciendi, cum propter ejus magnitudinem tūm etiam ob potentiam seu robur sideris: Est enim fons caloris & lucis. Secundò, moderatè desiccat, quia calor ejus est vivificus non excellentè siccus; Sed quasi humido junctus, quæ evidentes illæ mutationes in anni vicibus evincunt.

8. Luna 1, antecellit humectando, quia terra proxima est, & vicina humidis vaporibus, manifestè igitur hoc modo corpora afficit, mollia reddit & plerumq; putrefascit. 2. Aliquantulum quoq; calefacit quantum iz. à sole luminis accipit.

9. Stella Saturni 1. valdè frigida est, & aliarum stellarum vires impedit. 2. Parùm sicca, atq; hinc melancholicæ complexionis socia, frigida & sicca dicitur.

10. Jupiter mediocriter est calidus & nonnihil humidus: ideoq; cum sole sanguineus & secundus censematur, estq; optimæ & temperatae naturæ; quia medius fertur inter Saturnum frigefacientem & Martem urentem.

11. In stella Martis antecellit vis desiccandi & arefaciendi, simul autem urit & calefacit, quod arguit igneus ipsius color & vicinitas solis, cuius orbis proximè hinc subiectus est. Unde cholericæ complexionei convenit.

12. Venus temperatè calefacit, & plus quidem Jove, ob vicinitatem & maiorem lucem; magis tamen humectat, sicut & luna, propter magnitudinem corporis sui,

attra-

atramens humido rapido  
cum Luna phlegmaticæ est complexionis.

13. Meruri stella indifferenter se habens, alio quando in desiccando, quia nunquam à Sole procul recedit secundum longitudinem; aliquando in humidando, quando vicina est Luna, quæ terra proxima est. Subitas autem mutationes efficit utrinque; propter celeritatem suam, quæ vehitur circa Solēm.

14. Ratione horum influxuum, vires ipsorum cernuntur per bonitatem, malitiam & indifferentiam, quæ occupatur in rerum sublunarium naturā alterandā, quod fit per 4. humores, quorum 2. fœcundi & vivifici, calidus & humidus, per quos omnia coalescant & roborantur; hinc Iuppiter, Venus & Luna sunt benefici & amici; Et contraria verò 2. exitiales & malefici, frigidus & siccus, per quos omnia dissipantur: ut potè Saturnus & Mars. Indifferentes & naturæ ancipitis sunt Sol & Mercurius, qui accommodant suam naturam ad eas stellas cum quibus sunt.

15. Respectu Sexus & Actionis magis vel minus fortis, Planetæ dividuntur in Mæculos, ut sunt: Sol, Saturnus, Juppiter & Mars; Et Fæminos ut Luna & Venus. Et denique in Androgynum ut est Mercurius.

16. Deinde respectu Situs ad horizontem, Planetæ masculine sunt & effeminantur, id est, intendunt aut remittunt vires iucas, dicuntur aucti & diminuti viribus. Aucti quando mane ante Solēm oriuntur, vel quando ab horizonte versus meridianum moventur. Diminuti verò, cum à Solis occasu apparent, vel cum à meridianō ad horizontem moventur.

17. Ratione temporis, planetæ sunt vel  
diurni: ut Sol & Jupiter; vel Nocturni: ut Venus &  
Luna; vel promiscuus ut Mercurius, qui cum est E-  
clus, diurnus; Cum verò Vesperinus, nocturnus di-  
citur. Diurni promptiores sunt ad agendum, quam  
nocturni.

18. Respectu proprietatum orbium Eccentrici  
vuln. & Epicycli, Planetæ dicuntur Acendere vel descendere,  
in Apogeo vel Perigeo esse; Item tardi, veloci-  
ties & mediocres cursu; directi, Stationarij & Retro-  
gradi; Sic pro situ ac motu vires suas mutant varie.  
Nato remotiores Planetæ minus, propiores magis effi-  
ca es sunt, & vires suas exerceant, prout similis vel dissi-  
milis naturæ stellis junguntur.

19. Sic omnes planetæ juxta Apogenum Eccentrici pu-  
riores & feliciores sunt, quia a terrâ longius distant, &  
stellis fixis propiores sunt, minorem tamen vim habent,  
& aërem minus movent. In Perigeo verò non tantum  
deteriores existunt; sed & robustiores, fortiusq; aërem  
purgant: Quia omne agens naturale tanto fortius agit,  
quanto proximus est passo.

20. Planetæ vero juxta medias longitudines consi-  
stentes mediocres sunt, & hæc mediocritas in plerisque lau-  
dabilis est. Præterquam quod in Lunâ contrarium con-  
tingit. Hæc quia cum terrâ ut plurimum est fa-  
miliaris, non tantum validior sed & felicior est in oppo-  
sito Augo, quando terræ est proxima & velocissime mo-  
vetur. In Auge verò è contra tardior est cursu & à terrâ  
remotior, & imbecilliores & infeliores effectus habet.

21. Proximum à Planetis locum in agendo & mo-  
vendo

quæ juxta Planetarum naturas, quas splendore & colors  
suo referunt, undè etiam denominantur, operationes  
suas potissimum exerunt. Obscuræ & plumbeæ sunt  
*Saturninae*, geluq; & grandines afferunt, sic præcedens in  
jubâ Ceti.

22. Candidæ & splendidæ sunt *Ioviales* moderate ca-  
lidæ & salubres sunt parumq; humidæ, quæ interdùm e-  
tiam tonitrua caussantur ut *Canda Aquila*.

23. *Martiales* rubæ & fusæ sunt, sive splendidæ sint,  
sive non, exurunt ac fortiter desiccant. Tales sunt plus  
rimæ stellæ *Helicis* seu *Ursa majori*.

24. *Veneræ* candidissimæ & splendidissimæ sunt,  
multum humectant, & nonnihil calefaciunt.

25. Mercuriales cinereæ, splendidæ & quasi nutan-  
tis coloris sunt, promiscuis qualitatibus pollentes, ut  
præcedens in sinistro femore *Herculis*.

26. Lunares candidæ, pallentes & hebetis luminis  
sunt, copiæ se humectantes, parumq; calefacentes ut qua-  
dam in *Coma Berenices*.

27. Stellæ dñiq; Mixta sive Mediae partici-  
pant de naturâ plurium planetarum, sic obscuræ  
*Saturnus* & *Luna* vlt. frigefaciunt & aliæs hume-  
ctant, aliæ exsiccant, ac nebulas, interdùm etiam  
grandines producunt. Nebulosæ & maculosæ  
*Mars* & *Luna* imbræ cident. Sic natura *Satur.*  
& *Mart.* auram efficit crassam & turbidam pesti-  
feramq;. *Martiales* & *Veneræ* in petuosæ sunt  
& subitæ. *Martiales Solares*, æstuosæ: *Veneræ*  
*Mercur.*

*Mercuriales tempestuosæ: Mart:es & Mercur:es  
impetuose; Saturn: & Merc:es gelidae: Lunares  
deniq; & Martiales pluviosæ & tonitruosæ exi-  
stunt. Nebulosæ verò nebulas efficiunt.*

28. *Naturam verò cuiusq; stellæ, ostendet tabula  
generalis, stellarum longitudines & latitudines de-  
monstrans, nec non Planetarum characteres depin-  
gens, quam bic Typorum carentia, pagellarumq; angu-  
stia vextat apponere.*

29. *Stellarum fixarum vires tribus potissimum dif-  
ferentijs discernuntur. 1. Magnitudine, majores quip-  
pe majorem, & minores minorem vim habent. 2. Lu-  
mine, quæ lucida sunt, omnia illustrant sive bona sunt si-  
ve mala. Quò autem exilius est lumen, eò debiliores  
sunt: Et quæ plurimū scintillant ut Canicula, magnas  
excitant conturbationes & maria agitant. 3. Loco,  
primo namq; robustissimæ sunt, quæ in zodiaco collocā-  
tur. Quia hæ Planetarum corpori jungi interdùm pos-  
sunt. Quò autem ab Eccliptica remotores fuerint,  
eò debiliores. Stellæ deniq; illæ, quæ septentrionali  
gaudent latitudine vel declinatione nobis sunt efficacie-  
res quam meridionales.*

30. *Verticales tandem sunt efficaciores quam longius  
à vertice distantes. Quæ v. cum aliquo planetæ conju-  
guntur in longitudine, aut eum eo oriuntur aut occi-  
dunt, vel etiam medium coeli occupant, magnæ sunt effi-  
caciae, ejusq; vi pollent cum quo junguntur. Effic-  
acissimæ sunt quæ Regiae seu Bebenitæ dicuntur, ob fulgo-  
ris Majestatem & luminis splendorem, magnificamq;  
digni-*

31. Et si verò omni efficacia coeli Stellis tribuitur; tamen diffidendum non est, vim quandam alijs etiam coeli partibus competere: Quippe quam vicissitudo temporum evidenter ostendit. Quia hæc vicissitudo demonstrat zodiacum, digito quasi, has mutationes habere. Atq; Eclipticam, quam sol proprio suo motu peragrat, Astrologi parta quatuor anni partes, cum humoribus quatuor, qui in quatuor ætatis partibus prædominantur, divisorunt per quatuor anni quadrantes.

32. I. Quadrans est Vernus, humidus, calidus & sanguineus ætati puerili conveniens, signa sunt: Aries, Taurus, Gemini.

33. II. Quadrans est aestivus, calidus, siccus, chole-ricus; juvenili ætati correspondens. signa sunt: Cancer, Leo, Virgo.

34. III. Quadrans est autumalis, siccus, frigidus, melan-holicus & decessans, virili ætati prædominans. Signa sunt: Libra, Capricornus, Sagittarius.

35. IV. Quadrans hyemalis, frigidus, humidus, phlegmaticus, senili ætati congruens, signa sunt: Scorpio, Aquarius, Pisces.

36. Hæc 12 signa zodiaci sunt cardinalia fixa & communia. Cardinalia seu mobilia sunt 4, quorum duo Aries & Libra sunt æquinoctialis, quæ diem & noctem æquant, aeraq; temperatè frigidum & calidum reddunt. Duo solstitialia Cancer & Scorpio in illo descendens à vertice aera efficit calidissimum; in hoc ascendeus frigidissimum.

quatuor, in linea et aeris qualitas, quam sol in cardine inchoat, firmior fit, pluiaq; a nobis sentitur. Communia deinceps signa 4. *Gemini Virgo Sagittarius Pisces*, quod priore sui parte ad precedentia, posteriore ad sequentia pertinent, seu communes antecedentis & sequentis obtinent qualitates: suntq; bicorporea & quasi amphibia.

38. Deniq; juxta 4. Trigonos sic sunt Ignea: *Aries Leo Sagittarius*, ob calorem & siccitatem, quae dominantur cholerae & saporis amaro: Hæc 3 Terrea *Taurus Virgo Scorpio*, ob siccitatem & frigitatem, quia hæc prælunt melancholie & saporis acri. Hæc 3 Aerea *Gemini Libra Aquarius*, ratione humiditatis & caliditatis conveniunt sanguini & saporis dulci. Hæc 3 Aquea, *Cancer Capricornus Pisces*, propter frigiditatem & humiditatem, reguntq; phlegma & saporem salsum. Atq; sic quilibet Trigonos 3 complectitur signa, mobile, fixum & commune.

39. Ignea propotius & Aerea signa magis fortunata & fortiora sunt: Quia in illis prædominatur calor, vita auctor, ideòq; masculina & diurna dicuntur. Terrea autem & aquæ infortunata & debiliora sunt, quia in his frigus præsidet, quod ad interitum inducit, & hæc modò foeminea & nocturna appellantur.

40. Signa tandem alia sunt convenientia atq; conjuncta seu inuentio: alia disjuncta seu averba. Convenientia seu intuitus varijs de causis oritur, & quidem i. à radijs, quibus se invicem respiciunt, præbentq; videndos radio vel opposito: cum nimirum medijs ex diametralibus cœli locis congrederentes concurrunt in centro: Vel Trigonos, cum linea totius aspectus est figura triquetra circulo inscripta: Vel quadrato, cum intuentur sese sub latere

*latere quadrati; Vel Hexagono, cum lineæ rectæ asperges  
est sexangularis, & ut radij in partes coeli S. S. S. denuo sunt,  
sinistri sunt Astronomis faciem ad austrum vertentibus.  
Sic alii C. S. S. projecti, dextri sunt.*

*+ latinis*

41. *Ceterum omnes haec radiationes definiuntur non  
tantum a puncto ad punctum, seu a gradu ad gradum;  
verum etiam a signo ad signum. Suntque Quadratus & Opposito radij infelices, Triangularis &  
Sextilis felices, Conjunctione Indifferens est. Atque  
haec quidem quae sece radio intuentur, signa intuentia  
seu conjunctio appellantur.*

42. 2. Respectu situs ad puncta æquinoctialia, ab  
uno tantum æquinoctio; principio Aries & Libra æqua-  
liter remota. *Septentrionalia, quædam imperantia au-  
diuntur. In his namque occupati planetæ sunt nobis pro-  
pinguiiores, ideoque validiore, ut in Sole experiri licet.  
Australia, obedientia vocantur, quoniam Planetæ in his  
situ, a vertice nostro sunt remotiores, ideoque minus va-  
lidi.*

43. 3. Ratione situs ad puncta solsticialia, in quo vlt.  
quæ ab uno vel utroque Tropico puncto æqualiter distant,  
calorique, vim & copiam lucis æqualem habent. Et sic sol  
per eam currens dies diebus, noctes noctibus, horasque ho-  
ris (puta Planetaria) æquat. Signa æquipollentia & sece  
intuentia dicuntur, quæ in iisdem quoque Horizontis par-  
tibus oriuntur & occiduntur.

44. Signa quæ radio visuntur quadrato, odiosa di-  
cuntur ut *Leo, Taurus, Virgo, Aquarius*, ideoque inimica  
& mala sunt. Quæ vero signa inæqualiter a Tropico  
punctis distant, & in nullo horum aspectuum conju-  
gantur, inconjuncta, disjuncta seu adversa vocantur.

*Hæc*

*qua*  
45. *Julient* Hoc vero sic inveniuntur, quando nimirum ~~ap~~  
Fixa, aut 4. inconjuncta signa proxime praecedunt & se-  
qvuntur. Et mobilia his opposita habent duo tantum  
inconjuncta sz. succedens & eius oppositum. Sic  
quoq; communium inconjuncta sunt antecedens & illi  
oppositum.

46. Atq; sic fuerunt vires Eccliptice scilicet  
Zodiaci inter se proprietates ; sequuntur Planetarum  
in 12. locis Signiferi familiaritates & dignitates Es-  
sentiales. Dignitas Planetarum essentialis est  
virium ipsis inditarum incrementum, quod ipsis accidit  
ratione constitutionis in alijs atq; alijs Zodiaci signis, vel  
Est fortitudo Planetae, quam in aliquo signo obtinet, vel  
propter occultam cum isto signo familiaritatem, vel pro-  
pter stellarum fixarum significtius qualitates, cum Plane-  
ta, qui in tali dominatur, qualitatibus congruentes.

47. Etsi verò in pluribus signis quilibet Planeta vel  
dignitatis suæ ac fortitudinis incrementum, vel è contra  
detrimentum recipit : in quibusdam tamen potentia  
Planetae augescit vel largescit, in alijs verò minuitur.  
In quo verò signo Planeta maximum suæ dignitatis &  
potentiae robur obtinet, *Domus istius planetæ vocatur.*  
Hinc dignitates Essentiales octo constituuntur..

48. 1. Dignitas essentialis *domus* est, sive pe-  
culiare signum in quo Planetas dominium instar  
patrum familias exercent. *Domum* vocant *A-*  
*strologi signum zodiaci principalis præ reliqui signis*  
*omnibus qualitatibus convenientiæ naturæ Planeta ma-*  
*ximè cognata.* *Domorum autem figuram, ordinem*  
*& seriem tabella demonstrat.*

cus Zodiaci, in quo Planeta insignem virium suarum exaltationem sive incrementum recipit; ideoq; evidenter mutationem in aere, & alijs rebus sublunaribus, cum natura sua & qualitatibus congruentem, ciet & exaltat.

Sic Sole exaltatur in Ariete, ut ex inspectione tam obiectu bellae petet.

50. III.ta Dig: s seu fortudo Planetae essentialis Triplicitas nominatur... Eitq; constructio Planetae in aliquo Trigonorum sui naturae & qualitatibus conveniente. Trigonus dicitur, seu triangularis conjunctio trium signorum in Zodiaco per triangulum, & quiangulum & æquilaterum. Oritur vero haec triplicitas ex tribus aspectibus, cum nimirum benignè sese mutuo continent, vel propter similitudinem figuræ & semper. Veleiam quia iisdem Dominis seu Triangularibus parent.

51. IV.ta Dig: s Essentialis est terminorum seu finium in certis coeli partibus, quas in uno quoq; signo, V. Errantes, certas ob causas obtinent, in quibus constituti planetæ maximam prærogativam habent. De quibus vide Prologeum, qui finibus Chaldaeorum rejectis, Aegyptiacos laudet, aḡ se in antiquissimo libro inventos præcateres extollit.

52. V.ta Dig: s Planetae est Carpentum, Thronus seu Regium solium, in quo vis Planetae maxima existit. Vehi autem dicuntur in solijs suis atq; carpentis; Cum ijs familiaritatis exercent, duobus vel pluribus modis, in ijs locis, in quibus tunc quoq; maxime efficaces sunt propter convenientiam, auxilium & cognitionem signorum; Atq; sic dicuntur in suis solijs collocari ac fulgere.

dicitur, quæ nihil aliud est, quam certa quædam collatio  
Situsq; Planetarum, cum situ luminarium usitato, in pro-  
pria persona, sive intuitu vel visione (juxta vulgares A-  
stronomos) à facie ad faciem. Estq; duplex Almugea  
Solis & Almug; Lunæ.

54. In Almugea Solis planeta esse dicitur, quando à  
Sole tot signis distat S. S. S. quot inter Lunam domicili-  
um vñz. solis, & domicilium istius planetæ principalius  
continentur.. In Almugea verò Lunæ planeta esse di-  
citur, quando à loco Lunæ contra S. S. Planeta distat tot  
signis, quot inter Cancerum, domum sz. Lunæ, & do-  
mum planetæ secundaria seu minus principalia interci-  
piuntur, E. g. Si Sol sit in Lib. Venus in Sagitt.  
Vel Sol in Ariete, Venus in Gem: E. g. Venus in  
Almug: ☽ esse dicitur. Sic Venus in Almug: Luna  
esse cum Luna existente in Taurō, ipsa est in Pisc. Vel  
Luna existente in Gem: ipsa est in Ariete.

55. VII. Planetarum Dig: e est Decanatus nomi-  
natur, quando Planetæ denis signorum præsunt: Unde  
Decani Decuriones & facies signorum dicuntur.. Sic  
prima facies seu Decuria decem graduum Arietis, est  
Mars, secunda Sol, Tertia Venus E. c.

56. VIII. & ultima Planetarum dign:s est gaudium.  
Cum enim quilibet Planetarum duo habeat domicilia,  
masculinum & femininum.. Gaudium dicitur habes-  
re in eo, quod cum natura & sexu magis convenit, ita  
Saturni gaudium est in Aquario, signo masculino, quia  
ipse est Planeta masculus.

57. Ve-

57.  
nota in domo sua quinq; obtinens dignitates, felix ac  
potens statuitur. In exilio verò seu detimento suo ex-  
istens quinq; debilitates patitur. In exaltatione consili-  
tus, 4. fortitudinis testimonia accipit, at in dejectione  
totidem debilitates. Triplicitas tres dignitates planetæ  
dat; finis sive terminus duas, facies unam, Decanatus  
unam, Gaudium similiter unam. Sed in throno seu  
Carpento Planetæ robur omnium maximum efficitur.  
Sed quando nullam harum dignitatum Essent: Planeta  
possidet, peregrinus dicitur, & quinq; debilitates obtine-  
re, ut in Tab: dig: Ess: compendiose videre est. Atq;  
tantum de dig: Ess: pro instituti ratione excerpta suf-  
ficiant.

58. Dignitates Planetarum accidentales sunt insita-  
rum qualitatum & significationum iacentia, quæ  
ipsi cōveniunt ratione motus in suis orbibus, vel positus  
ad Solem vel cōfigurationis cum Planetis reliquis. &c.  
Restarent quidem plura in hac parte Generali propo-  
nenda: sed Pagellarum angustia plura non capit. Et  
quia Typographia nostra signa Planet. & Zodiaci non  
babet; Tabulas, quæ hic necessariae essent, ut potè 12. Ce-  
li Domorum, Planetarum exaltationum & dejectio-  
num &c. Cogimus omittere, & Cand. Lectorem ad  
Astrol. scripta remittere. Hic portum quarentes.  
Te ergo JEHova Rex Astrorum, Summeq; celorum  
Domine, devoto pectore & ore precamur & venera-  
mur, ut Nos in hac languida mundi senectâ regas &  
dirigas; Crasseq; hac nostra corpora, peccato obnoxia

to corpori conformia; ut nos in cœlo super Astra locati,  
tanquam Stella & splendor Firmamenti luceamus &  
fulgeamus in perpetuas aeternitates. Tibi soli A-  
stripotenti D E O, & ter S.S. F E horæ sit decus,  
honor & Gloria in sempiterna secula.

## SPICILEGIA.

**A**strologia scientiarum non modo altissima, sed &  
utilissima est: quippe quantum de coelestibus, tum  
de futuris, quorum scientia divina est, trahat. Cardan.  
Segm. 1. Aph. 20.

Modicum scire de rebus altissimis præstat, quam  
multum de humilimis. Aph. 19.

Vanitas ejusmodi Astrologorum forcipe tan-  
genda est, qui jactant se ex naturalibus principijs, com-  
pellere posse. An natus sit in matrimonio aut in  
celibatu vitiatus? quo etatis anno, quo mense &  
die, ex qua familia uxorem ducturus? Quot liberos  
utrinque sexus ex eis suscepturn, quot uxores habiturus?  
Quo mortis genere, quo tempore & die, imò horâ ma-  
riturus?

Astrologus nil quicquam absolute de fu-  
turi pronunciare sibi præsumat Card. Segm. 1. Aph. 3.

Quodammodo futuros Eventus ex Thematis na-  
turalijs denunciare non est illicitum aut impium (Ex  
natu-

natura puto lostre diuersitate, /  
ta, ingenia, mores, vita, Accidentia & pericula. Etc.

Influentias Astrorum in mundum hunc Elementarem nemo sanus negare potest, aut debet. Quia corporum coelestium vis & activitas in mundum hunc sublunarem magna est.

Planetary singulari peculiaribus sunt prædicti operationibus.

Nova in celo phænomena & Cometa plerumque aliquid portendere solent: quia non frustra a Deo in cibis collocantur.

Materiam eorum non sublunarem aliquam cum Peripateticis: sed coelestem, cum Tychone, Longomont. alijsque pluribus verisimiliter esse putamus.

Cometa apud nos recens visus vlx. præt. An. 20.  
Decemb: primum in Orione; deinde in Taurō, postea in plejadibus seu vergilijs; In perseo tandem evanuit, & septiduo fūlit.

Quo ad formam erat pallida, Martialis & Lunaris Naturæ, seu lunaris & Mercurialis, ex Crinito seu cincinato genere. Prænuncia sunt ejusmodi novæ stelle. Iræ Divina, glorioseq; adventus ejus jam instantis prodromi.

Sic quoque insolite ac insuetæ Aquarum diminutiones, fluminumque insolentes stationes, insignes ut plurimum mutationes ominari consueverunt.

Proximo præterit. Ann. in Decemb: in Tauris

ni Kyrdinlossi / & alibi in Tavastia; nec non in Ny-  
landia biduo stetisse, nulla frigoris urgente uehemen-  
tiā, ex fide dignis accepimus.

Quæ & alia inaudita ostenta in celo, terrâ, mar-  
riq; passim hinc inde relata, nos ad seriam peccato-  
rum penitentiam, tempestivamq; ad D̄Eum conver-  
sionem verè & severè permoverebunt; si modo mala,  
cervicibus nostris imminentia D̄Eum avertere aut  
saltē mitigare velimus:

Quod potens qui sis, facias precamur  
Omnibus nobis, residens Olympo,  
Tu D E U S solus, dominator orbis,  
Trinus & Unus!

Summe spei V I R O -Iuveni,

## DN. Erico Justandro Aboënsi

Alumno Regio, bonarum literarum studiosissimo, & Cultori  
indefesso, pro Gradu in Philos. summo solerter Disputanti.

SAcrae Scripturæ Liber est ingensq; creatæ  
Naturæ: Hunc premeres pellibus exiguis?  
Pagina suprema est, latissima machina cœli:

Machina quæ stellis, splendet & innumeris.  
Horum est diversus Motus motore sub uno

Cuncta gubernando, cuncta regendo benè.

Justan-

Inspicere; inspecti notitia eximia est,  
Quapropter merito jam jam schola Aboica celsa  
Huic laudis sertum sedula contribuit,  
Astrorum motus qui scit describere, segnis  
Non est: sed meritus laurea ferta sibi.  
Justos **J U S T A N D R I** foveat benedictio ab axe  
Numinis, hos ausus, cedere ritè velit!

Honoris & Amoris Ergo L. M. q; apposuit  
**ÆSCHILLUS PETRAEUS** D.  
Ep: Aboensis.

---

**Q**uid signat, si vis, dicam tibi, nomen **E R I C E**;  
Ehneid Germanus, Ahr'rtq; idiomate Svedo,  
Dives honore clues: tibi vita est acta probata.  
**J U S T A N D E R** justo maturus tempore prodic!  
Ergo justa tibi tribuet nunc præmia Apello.

Honoris & sinceritatis Ergo vicino & Amico  
suo addidit  
**B E N E D I C T U S** Ogilwie **P A T R I C I I F.**  
Nob. Finno.

---

**R**erum nosse vias Auraj fontis alumne  
**J U S T A N D E R**, castris musarum strenue miles;  
Te chorus ornabit Nymphaeum dotibus amplis  
Scrutandoq; polum, velent tua tempora lauro.

Hisce Fautori & Amico suo Thesæa fide colendo gratulari voluimus  
**A N D R E A S** Echelm A. F.  
Carlstadio-Wermi.

Qua cor inexhausto torserat ignem tuum.  
Jam tuus, aduerso quassatus turbine, tandem,  
Lauriger, iu portu, ritè triumphat, Amor.  
Virtuti puduit Fortunam obstat potenti:  
Invidiam domuit Fama secunda levem.  
**I**, sequere asvelo Virtutis signa pedatus  
Finnonici jam nunc non leve nomen agri.  
Felix, cui merito speratur palma secunda,  
Phœbus ubi Mysten te volet esse frum!  
Fautor, & Theseo suo l. m. q; gratatur.

P E T R U S I. W A N A E U S Finno.

---

Ingenio, Eruditione & linguis, morumq; cconfor-  
mitate Politissimo VIRO-luveni,  
**DN. ERICO JUSTANDRO.**  
Philosophie Candidato dignissimo; Fautor & Pyladi suo hono-  
rando, pro summis & bene meritis in Philosophia, honoribus, e-  
iusdemq; juribus reportandis, sub umbone Praeside subtilissimi;  
de Astrologia parte generali, egregie cälerenti, quamvis minus  
graphicis, ex animo camen, lubens hoc disthico, applauit:

**S**ic sudasse juvat, sic Phœbi scandere culmen,  
Ut tandem cultor, digna ßegßeo ferat.

J OHANNES Liliengan J. F.  
Naguensis.

